

卽三關三關卽金液金液卽玉液玉液卽刀圭刀圭卽丹田丹田卽絳宮絳宮卽泥丸泥丸卽氣海氣海卽腎腎卽心心卽道道卽法法卽術術卽虛無虛無卽自然自然卽運用運用卽水火卽藥藥卽氣氣卽神神卽丹頭丹頭卽大還大還卽七返七返卽九還九還卽金火金火卽紫芝紫芝卽水源水源卽土釜土釜卽金鼎金鼎卽玉鑪玉鑪卽神室神室卽元壇元壇卽黃庭黃庭卽眼眼卽鼻鼻卽耳耳卽松松卽蜣蜣卽桃桃卽朱橋朱橋卽六賊六賊卽三口三口卽三魂三魂卽七魄七魄卽五神五神卽萬神萬神卽一神一神卽萬寶萬寶卽沐浴沐浴卽抽添抽添卽進退進退卽文武文武卽斤兩斤兩卽吉凶

道藏輯要

白真人集

三五

雙集五

吉凶卽刑德刑德卽存亡存亡卽黑白黑白卽有無有無卽始終始終卽動靜動靜卽寒暑寒暑卽陰陽陰陽卽冬至冬至卽夏至夏至卽望望卽朔朔卽弦弦卽晦晦卽潮候潮候卽月輪月輪卽日華日華卽太乙太乙卽玄珠玄珠卽四象四象卽五行五行卽八卦八卦卽三才三才卽三光三光卽兩儀兩儀卽太極太極卽太上太上卽混元混元卽無始無始卽無終無終卽元始元始卽一氣一氣卽虛空虛空卽虛無虛無卽混沌混沌卽金丹

丹房法語

呂先生鶴頸龜腮適有鍾離之會石居士鹿鼻鼠耳偶逢平叔

之來歎黃綠時節之難豈名利是非之比金丹大藥古人以萬劫一傳玉笥靈篇學者之十迷九昧月裏烏日裏兔顛倒坎離水中虎火中龍運用復姤採先天一炁作鉛中之髓以星象萬化爲汞裏之精惟弦前弦後之時乃望缺望圓之際知之者癸生須急採昧之者望遠不堪嘗精半斤氣半斤總在西南之位火一兩藥一兩實居東北之鄉收金精木液歸於黃庭煉白雪黃芽結成紫粉悟真篇所謂華池神水知命論又言地魄天魂採之鍊之結矣成矣如夫婦最初一點十月成胎似君臣共會萬機百官列職遇日中冬至則野戰遇時中夏至則守城都來片餉工夫要在一日證驗九三二八算來只在姤女金翁七六

道藏輯要

白真人集

五

婁集五

十三窮得無過黃婆丁老更不用看丹經萬卷只消得口訣一言子之來意甚勤知汝積年求慕非宿生有此風骨豈一日用是身心自採藥以至結胎及行火而及脫體包括抽添之妙形容沐浴之機無金木間隔之憂有水土同鄉之慶須但溫養都沒艱辛十二時中只一時三百日內在半日丹田有物行住坐臥以無愁紫府書名生死輪迴而不累了然快樂自此清閑這工夫向關裏也堪行論玄妙只頃中都交結聚而不散煉之尤堅朱砂鼎偃丹爐何難之有守一壇中央釜自己而求宜識陰陽要知玄牝龍精滿鼎遣金童下十二層樓鳳髓盈壺令玉女報三千世界此時丹熟更須慈母惜嬰兒不日雲飛方見真人

朝上帝

表章疏語

贈知宮王南紀洞章

古熙策雲南飛庚伏正祥晴槐舞薰新蜩噪晚止錫琳宮仰惟  
宮宰真人江山態度風月襟懷神仙中人不易得也嘗撫郡仙  
家譜舊矣王祺則老聃之蘄耆高弟也王楠則蒙莊之函蘇道  
契也鬱單無量天則王雍御雷笈梵監須延天則王紹識運歷  
魯人三碩煉玉雲丹於浮雍山秦人王喬煉九神丹於天華洞  
其後王長王敏出於漢晉王茂王戴卿出於魏唐近世雲鶴子  
作三一靈篇烟松子作金丹樞要逍遙子作還丹結集清虛子

道藏輯要

白真人集  
五

毛

叟集五  
大川

作丹道指迷皆其族人也其門天人隱顯殆莫一二且云丹山  
之鳳必生鸞鷲赤澤之馬必生麒麟有如仙裔繩繩名仙至人  
層見鱗出千百歲下挺生真人坐董洞天星弁左右標毓天粹  
扶剔幽奧咀太元之精採真一之氣其治心也如鏡內像其應  
世也如水中月休功否德光前絕後當世道俗曳手俯額目爭  
視手爭指莫不曰其道如是其德如是乃作洞章以歌之歌曰  
黃道朱躔關一點方寸無人洞門掩桑田未變海水減棋樹開  
花緣苒苒中有瑤章落龍虎月壇香冷宮誰主真人闕下神霄  
鸞天騶慘慘歸紫府千山萬山鎖青煙三樹兩樹啼斷猿風飛  
楊花三月寒人在城門煙水村生而神靈長威武笑携一卷黃